

15. nóvember 1989

1177


Nr. 591

SAMÞYKKT

um skjaldarmerki Stykkishólms.

1. gr.

Skjaldarmerki Stykkishólms skal vera hvítur skjöldur með bláum (Pantone 279) kanti. Þórshamar er á skildinum og er það tákn þess að Stykkishólmur er á Þórsnesi sem Þórólfur landnámsmaður Mostraskegg nefndi svo. Hamarinn er blár, en í haus hans er tákn Súgandiseyjar, og er það hvítt. Á skafti hamarsins er hvítur hringmyndaður flötur og á honum tákn veðurathugana í Stykkishólmi, en Árni Thorlacius hóf þar vísindalegar veðurathuganir 1845 og síðan hafa þær verið stundaðar þar nær samfelld frá þeim tíma. Tákn veðurathugana er vindmælir og er hann blár. Á neðri hluta skaftsins er bogadregin hvít lína jafnbreið og blái kanturinn.



2. gr.

Notkun á skjaldarmerki Stykkishólms er óheimil án leyfis bæjarstjórnar Stykkishólms, sbr. 37. gr. laga nr. 56/1978. Ekki er heimilt að breyta út af samþykkttri gerð merkisins, sbr. meðfylgjandi teikningu, nema í sérstakri háttíðarútgáfu og í svart-hvítri útgáfu.

3. gr.

Í háttíðarútgáfu merkisins er eyjan gyllt (gull) og vindmælir og bogalína sömuleiðis. Háttíðarútgáfu skjaldarmerkisins má aðeins nota þar sem merkið stendur eitt og sér, t.d. á fánum, skjöldum og barmmerkjum.

4. gr.

Svart-hvíta útgáfu skjaldarmerkisins má einungis nota við bóka- og blaðaprent og er hún heimil án sérstaks leyfis. Í svart-hvítri útgáfu er blár flötur dökkur.

Samþykkt þessi sem bæjarstjórn Stykkishólmsbæjar gerði á fundi sínum 18. september 1989, með heimild í 2. mgr. 4. gr. sveitarstjórnarlaga nr. 8/1986, staðfestist hér með til að öðlast þegar gildi.

Félagsmálaráðuneytið, 15. nóvember 1989.

Jóhanna Sigurðardóttir.

Þórhildur Líndal.